

小兒衛生總微論方

六

中國醫學大成第十集

兒科類甲
兒科叢刊之一

小兒衛生總微論方

上海大東書局印行

小兒衛生總微論方

卷十四

心腹痛論

小兒心腹痛者。由藏府虛而寒冷之氣所干。邪氣與藏氣相搏。上下衝擊。上則爲心痛。下則爲腹痛。上下俱作。心腹皆痛。更有一證。發則腹中撮痛。乾啼無淚。腰曲背弓。上脣乾。額上有汗。此名盤腸內弔之痛。亦由冷氣入藏所爲也。今敘諸方於後。

木香丸 治心腹痛及脾痛。

木香 一分

肉桂 一分

茯苓

苓 半兩

檳榔

半兩

當歸

去蘆一分 醋浸一宿 炙令黃焦

右爲細末。酒糊丸。黍米大。每服五七丸。柳枝湯下。不拘時候。

蓬莪散 治氣刺心腹痛。

右以蓬莪朮炮熟透剉杵。羅爲細末。每服一錢。熱酒調下。無時。寬中湯 治心腹疼痛不可忍。悶亂啼哭不止。

良薑

木香各半兩

丁香

桔梗去蘆

青皮去穰炒黃

甘草炙各一分

右爲細末。每服半錢。溫酒調下。無時。

當歸木香丸 治如前。

當歸去蘆一兩

蓬莪朮炮剉一兩

木香半兩

人參去蘆半兩

桂心半兩不見火

黑牽牛微黃炒一錢

右爲細末。麵糊和丸。黍米大。每服十丸。生薑湯下。無時。

當歸丸 治腸胃冷襲而痛。啼哭不休。

當歸去蘆

芍藥等分

右爲細末。麵糊和丸。菉豆大。米飲湯下。不拘時候。

乳香湯 治如前。

木香

五靈脂去砂

乳香各一錢別研

天南星取中心一錢

右爲細末同研勻。每服半錢。水半鍾。生薑一片。煎至三分。去滓溫服。無時。

溫胃丸 治腹痛哭不止。

人參 去蘆 一兩

白朮 一兩

木香 一兩

良薑 半兩

五味子 半兩

當歸 半兩

右爲細末。麵糊和丸。黍米大。每服十丸。米飲湯下。無時。

橘香丸 治如前。

青皮 去穰 一兩

吳茱萸 揀淨 一兩

木香 一兩

當歸 去蘆 一兩

乾薑 半兩

丁香 半兩

右爲末。每服一錢。水八分。生薑二斤。煎至五分。去滓稍熱服。無時。

烏藥散 治乳母冷熱不調。敗壞乳汁。因以飼兒。致兒心腹疼痛。或時下利。但令

乳母服藥。調和乳汁哺兒。

香附子 炒去毛

良薑

赤芍藥

烏藥 藥分各等

右爲細末。每用一大錢。酒水各半盞。煎至六分。去滓溫服。無時。兒能服藥者。兼與之。

鯉魚腸 治腸胃中有瘡。而作疼痛。

右以鯉魚腸煮食之。

鈎藤膏 治盤腸內弔腹痛。

好乳香研

沒藥研

木香

薑黃各四錢

木鼈子仁二十個

右爲細末。煉蜜爲劑收之。一歲兒半阜角子大。煎鈎藤湯化下。無時。量大小加減。次用魏香散。

魏香散 右以溫水化阿魏一錢。去砂石。浸蓬莪朮半兩。一晝夜取出。焙乾爲細末。每服半錢。煎米飲紫蘇湯調下。空心服。

阿魏丸 治盤腸弔痛。日夜叫啼不止。

右以阿魏爲末。用大蒜半瓣。火炮熟研爛。和末丸。麻子大。每服五六丸。煎艾湯送下。無時。

乳香蠟梢丸 治盤腸內弔痛不可忍。

乳香一錢半

蠟研梢十四個

沒藥半錢

沈香半錢

右爲細末。煉蜜和丸。黍米大。嬰孩三九。一歲兒五九。三歲兒七九。乳香湯下。不拘時候。

桃符丸 治如前。

銀 硃 一錢

乳 香 一錢

大 蒜 一瓣 煨熟 爛爲膏

右上一味和勻。入蒜膏再研。硬軟得所。丸菴豆大。每嬰孩三九。半歲五九。一歲七九。二三歲七九。薄荷湯下。無時。

腹脹論

小兒腹脹。有虛有實。或因乳吐。驚動於脾胃。致脾胃虛而氣攻所作也。實者悶亂喘滿。治可下之。錢乙用紫霜丸白餅子。虛者不喘。治不可下。又不可以丁香、木香、橘皮、豆蔻、大溫藥治之。以脾胃虛氣未出。故雖腹脹而不喘。只好用藥。使上下分消。其氣則愈。錢乙用壅氣丸。若誤下之。則脾虛。氣上附肺而行。脾肺子母皆虛也。肺主目胞。腮之類。脾主四肢。色黃虛甚。則目胞顫。頰四肢黃色而腫。錢乙用壅氣丸。若虛氣已出。附肺而行。即脾胃內弱。每生虛氣。入於四肢面目矣。小兒易爲虛實。

脾虛則不受寒溫。服寒則生冷。服溫則生熱。當識此勿誤也。胃久虛熱。多生疸病。或引飲不止。脾虛不能勝腎。隨肺氣上行於四肢。面目腫若水狀。腎氣浸浮於肺。卽大喘也。錢乙亦用壅氣丸。未愈漸加丸數。病愈後面未紅者。虛竟未復故也。若治虛腹脹。壅氣丸未愈。腹中有食積法。糞小便黃。時微喘。脈伏而實。飲水能食者。亦可下。蓋脾初虛而後有積法也。所治宜先補脾。後與下之。下後又復補脾。卽愈也。若不先補而便下之。則大虛矣。又不可補肺。恐生虛喘也。錢乙所用方。本集載之外。敘諸方於後。

家寶壅氣丸 治小兒啼哭未定。或氣息未調。遽以乳飲。或寒冷相干。腹脹氣急。乳食不化。

巴豆十片

胡椒十粒

丁香十個

青

皮

十個湯浸一宿令乾去穢

右將青皮每個入巴豆一片。胡椒一粒。丁香一個。裹了。以蘇綫纏定。都裹十個。畢。頓鍋內入醪醋一椀。煮至醋乾。取出細切。同諸藥焙乾爲末。粟米糊和丸。粟米大。每三歲下兒二三丸。上者五丸。五歲兒七丸。七歲兒十丸。米飲湯下。無時。褊銀丸 治痰涎氣壅。膈實上熱。乳食停滯。腹脹喘急。

巴豆去殼半兩取霜 好墨研入錢 麝香半錢 水銀半兩用鉛子

右將巴豆霜與墨再研勻。次入沙子麝香。又拌研至細勻。以陳米粥和丸。菉豆大。捻褊。一歲兒一九。二三歲三九。煎薄荷湯放冷送下。不得化破。食後服。

厚朴丸 治風冷寒邪客於臍府。腹脹滿悶。氣不宣通。

厚朴去蘆皮一兩 丁香一兩 木香一兩 白朮一兩

青皮去蘆半兩 牽牛子炒一錢

右爲細末。煉蜜和丸。黍米大。每服十丸。煎陳皮湯下。無時。

分氣丸 治腹脹腹痛。

巴豆十個去殼皮 木香一錢

右爲細末。麵糊和丸。麻子大。每服三二丸。熟水送下。

又方 治腹脹又名壅氣丸

蠟半兩 胡椒一兩 木香半兩 巴豆一分去殼皮

右爲細末。麵糊和丸。黍米大。每服三五丸。葱白湯下。無時。

胡粉鹽 治腹脹。

右以胡粉鹽炒色變。以摩腹上。或以車轂中脂和輪下土作丸吞之。

莖根汁 治如前。

右杵莖根汁。和猪脂煎服。或燒父母指甲灰。乳頭上飲。

半夏丸 治腹脹。及暴腹脹欲死。

右以半夏隨多少。火炮為細末。酒和丸。粟米大。每服三五丸。兒小者乳汁下。大者生薑湯或米湯下。未瘥加之。日二服。只用末貼臍亦佳。

又方 治心腹脇肋脹滿。煩悶欲死。

右以雞子殼燒末。酒服一錢。或半錢。

壅氣丸 治脾胃氣虛。腹脹滿悶。

全蠍一錢 黑牽牛四錢一半生炒

陳皮二錢去白 青皮二錢去穰 京三稜二錢炮剉

蘿蔔子四錢一半生炒 蓬莪朮二錢炮剉

右為細末。麵糊和丸。蘿蔔子大。每服一二十九。生薑湯下。無時。

壅氣丸 治腹脹氣滿如腫。

胡椒半兩 甘草一分 黑牽牛炒一兩 木香一錢

右爲細末。麵糊丸。菴豆大。每服五七丸。薑湯送下。無時。

壅氣丸 治脾虛腹脹。或面目四肢發腫。

胡椒一兩

蠍尾

半兩去毒

此方便是錢乙集中方也

右爲細末。麵糊和丸。粟米大。每服五七丸。至一二十九丸。陳米飲下。無時。量大小加減。一方有木香一錢。一方全蠍一枚。胡椒十粒。同爲末。一剗耳米飲調下。

五百丸 治氣虛腹脹。

郁李仁別研

胡椒

丁香

黑牽牛

蘿蔔子各一百粒

右爲細末。葱汁和丸。菴豆大。每服三五丸。兒大加之。煎葱湯下。無時。

白朮膏 治脾胃不和。腹脹氣痞。小便不利。

白朮半兩

白茯苓

去黑皮一分

人參去蘆一分

滑石一分

澤瀉半兩

右爲末。煉蜜和丸。每用阜子大。米飲化下。無時。

豆蔻散 治腹脹煩渴。小便少而吐瀉。

硫黃一分

白滑石三分

丁香半份

肉豆蔻麵裹煨半份

右爲細末。每服一字或半錢。米飲調下。無時。

托養丸 治陰陽氣痞不通。腹脹膨悶。嘔吐煩渴。手足時厥。

硫黃

水

銀各半兩同附子炮去

皮

木香

當歸

去蘆洗焙各半兩

大黃

慢火煨熟

右爲末拌勻。煉蜜和丸。櫻桃大。每服一丸。生薑湯化下。無時。

木香丸 治小兒氣脹。腹滿。不下食。能去惡氣。

木香

訶黎勒煨去核

右爲末。以沙糖水煮糊和丸。菉豆大。每服一二十丸。米飲下。無時。

葛根汁 治小兒熱氣。痞滿。腹脹。

以生葛根杵爛。絞汁飲下。

桂心丸 治小兒飲雜果。腹脹氣急。

以桂心爲末。飯和丸。菉豆大。熟水下五丸。未差再服。不拘時候。

治小兒腹中脹滿。或未能服藥者。

以晚桑葉不拘多少。濃煎湯。熏下部。通手時淋洗肚腹。

治小兒腹脹滿急。不能服藥。

以生薑煨熱。綿裹內下部。冷即易。

賺氣丸 治小兒腹脹。

丁香 香一錢

蘿蔔子 半兩用巴豆一分拍破同炒至黑色去巴豆不用

右爲末。水浸蒸餅心和丸。菴豆大。每服五丸。橘皮湯下。無時。

治小兒上熱痞悶。氣壅脹滿。

以葛根搗汁。量大小輕重與服。

腫病論

小兒腫病有二。一者氣腫。因脾胃虛而氣攻腹。腹脹誤行轉藥下之。致虛氣上附於肺。行入四肢面目而作腫也。疳氣亦然。二者水腫。因上焦煩渴。飲水無度。脾胃虛而不能約制其水。腎反乘脾。土隨水行。上附於肺。肺主皮膚。脾主四支。故水流走於四肢皮膚而作腫也。甚則腎水浸浮於肺。則生大喘。爲難治也。

款肺散 治小兒風痰。欬嗽喘氣逆嘔吐。面目浮腫。

白僵蠶

五兩湯洗去灰絲并頭足焙乾

玄胡索

去皮三兩生

右爲細末。每服一字或半錢。煎淡薑汁放溫調下。如嬰孩。乳汁調半字。不拘時候。

熊膽丸 治小兒疳氣。體瘦肚腫喫水。

熊膽

雄

黃

研水飛

佛頭青

各半兩入麝香少許同研細

桂心

人參

去蘆各一錢爲末

右拌研勻。糯米粥和丸。菉豆大。每服五七丸。米飲下。食後。

檳榔丸 治小兒疳氣腹脹。四肢腫滿。氣急喘悶。小便不利。

檳榔

木香

各二錢

青皮

薑

黃

各一兩

蘿蔔子炒

牽牛子

各取末七錢半

右爲末糊丸。黍米大。生薑湯下。二三十九丸。食後。

緋綬丸 治小兒疳氣。黃瘦肚大。手脚浮腫。飲水不休。

川楝子去核

川芎

各二錢

橘皮

四兩

龍

膽

去蘆二兩

巴豆十四個去皮膜將陳皮龍膽同炒焦黑時去巴豆不用

右四味爲末糊丸麻子大。硃砂爲衣。每服十五丸。或二十丸。米飲下。腹脹。陳皮湯下。食後。

治小兒手足身體浮腫。

以小便溫煖漬之大良。

又方 治如前。

以巴豆五十個。去皮心。水三升。煮取一升。綿蘸拭病上。隨手即消。

治小兒渾身頭面及陰囊虛腫。

以使君子一兩。去殼。用蜜半兩。炙盡爲細末。每服一錢。米飲調下。食後。只三服效。

內消丸 治小兒頭面手脚虛腫。

青皮五個湯泡去穢 巴豆七個去殼

木香一錢炮

防己半錢

丁香十四個

右先以青皮巴豆銚內同炒。至巴豆蒼黑。去巴豆不用。將青皮諸藥爲細末。蒸

餅和丸。麻子大。每服三五丸。量大小加減。男孩兒煎陳米湯下。女孩兒煎艾葉湯下。七八歲者十九。不拘時候。

紅粉散 治渾身虛腫。氣喘不食。

硃砂一錢

檳榔一錢

輕粉半錢

右爲末。每服一字或半錢。薄荷煎湯調下。一服利止後服。用家寶觀音散。或人參散調補。忌生冷堅硬之物。

通草散 治一身黃腫。透明。

通草

蜜塗炙乾爲末

木豬苓

去黑皮爲末各等分

右爲細末。再入研細。去土地龍。麝香少許。每服半錢或一錢。米飲調下。神效。亦

治腎腫。

聖餅子 治氣腫。

大戟子半兩

甘遂末一分

牽牛末一兩

右拌勻。每用半錢。以白麵半錢。水和作餅子。如錢大。煮令熟。放冷細嚼。薑湯下。小者一餅。大者二餅。食前。

金華散 治水氣腫滿。通身明亮。

大黃末 四錢

牽牛末 三錢

朴消 研末入錢

巴豆肉 研五個

右同拌勻。每服一字。生薑蜜水調下。此方猛烈。斟酌所宜。

葶蘆丸 治水氣腹腫。小便瀉滯。

右以葶蘆子半兩微炒。杵如泥。入棗肉。再杵和丸。萊豆大。每服五丸。棗湯下。空心晚後。

郁李仁丹 治一切諸腫。

郁李仁

半兩湯浸。去皮微炒。

榔 半兩

牽牛子 炒一錢

右爲細末。滴水和丸。每服十粒。煎葱白湯下。空心服。

海蛤散 治身體腫滿。大小便不利。

海蛤

桑白皮 各一兩

漢防己 半兩

赤茯苓 去黑皮半兩

白朮 半兩

甜葶蘆 紙襯炒紫

川朴消

木豬苓 去黑皮各一分

右爲細末。每服一錢。水一盞。煎至五分。去滓溫服。乳食後。

杏仁膏 治小兒卒然面目浮腫。杵杏仁膏傅之。

治小兒渾身虛腫。及頭面陰囊並腫。

木香一錢

檳

榔一枚剉以茱萸炒去茱萸

青

皮七錢以巴豆炒

去巴

右同爲末。每服半錢或一錢。陳米飲調下。食前。

治小兒因瀉痢後。身體虛腫。

硫黃一兩

焰

消三錢

右同研細。蒸餅和丸。蘿蔔子大。蚌粉爲衣。每服十丸。米飲下。量兒加減。食前。

虛羸論

小兒虛羸者。由諸病之後。或誤行轉藥。或吐而利。致脾胃虛弱。不能傳化穀氣。飲食不入。肌膚消瘦。乃成虛羸也。有冷者時時下痢。脣口青白。有熱者身體溫壯。肌肉微黃。此冷熱虛羸也。錢乙治冷者木香丸。夏月不可服。如有證則少服之。治熱者胡黃連丸。冬月不可服。如有證則少服之。昔錢乙治齊郎中。其人好收藥散施。有子忽患藏熱。齊自取青金膏三服。併一服。餌之。服畢至三更瀉五行。其子困睡。

齊言子睡多生驚。又與一服。再瀉數行。加口乾而身熱。齊言尙有其熱。又欲與青金膏。其妻曰。用藥瀉十來行。未安。莫生他病否。召乙看之。乙曰。已成虛羸也。先多煎白朮散。時時與服。後用香瓜丸。十日愈。乙又治朱監簿子五歲發熱。腮赤脣紅。煩躁引飲。前醫曰。此心熱也。遂用牛黃丸。及以一物瀉心湯下之。來日加無力而不能食。又下之。乃便利黃沫。召乙看之。乙曰。此心經虛而有留熱在內。必被涼藥下之。致此虛羸也。乙先用白朮散生胃中津液。以生犀散治之。朱曰。大便黃沫何如。乙曰。胃氣正卽瀉自止。此虛熱也。朱曰。醫用瀉心湯何如。乙曰。瀉心湯黃連一物耳。性寒。多服則利。能寒脾胃也。坐久前醫至。曰實熱。乙曰虛熱。若實熱何以瀉心湯下之不愈。又加面黃頰赤。五心煩熱。不食而引飲。前醫曰。旣虛熱。何大便黃沫。乙笑曰。便黃沫者。服瀉心湯多故也。乙復與胡黃連丸愈。乙又治一子夜發熱。曉卽如故。前醫作熱治。以涼藥解之不愈。其候多涎而喜睡。醫又以鐵粉丸下之。其病益甚。至五日大渴引飲。唇白不食。召乙看之。乙曰。此肺怯有熱。不可下之。若下之。則損脾胃。致虛羸也。乃用白朮散。更以朮一兩煎藥汁三升。使任意取足服。朱曰。飲多不作瀉否。乙曰。無生水不作瀉。縱瀉亦不作怪也。但不可下耳。朱曰。先

治何病。乙曰。止瀉治涎。退熱清神。皆此藥也。至晚服盡。乙看曰。更可服之。又作三升。服盡稍愈。第三日又作三升與服。其子不渴無涎。遂投阿膠散二服而安。已上三證。皆因誤行轉下之藥。亡耗津液。致胃虛發渴不食。而成虛羸。錢乙並先煎白朮散與服。以生胃中津液。得胃氣正。然後依本病爲治也。如齊郎中子藏熱。與香瓜丸。朱監簿子心虛熱。與生犀散。胡黃連丸。次子肺怯。與阿膠散。並皆安愈。故閻孝忠云。轉下過多。洩瀉等諸病。煩渴者。皆津液內耗也。不問陰陽。煎錢乙白朮散。使滿意取足飲之。彌多彌好。今特爲詳而論之。使學者法矣。錢乙所用方。本集載之外。治虛羸諸方。具於後。

丁香黃耆散 治脾胃虛弱不能食。漸致肌瘦虛羸。

丁香

綿黃耆剉

人參去蘆

白朮

當歸去蘆

鼈甲塗酥炙焦去

胡黃連

甘草炙各半兩

右爲細末。每服一錢。水一小盞。生薑二片。棗一個。煎至五分。去渣溫服。食前。

集香煎 治如前。

丁香

沉香

木香

藿香去土

厚朴

去麤皮薑
製各一兩

白朮

白茯苓

白豆蔻各半

右爲細末入研細麝香一錢拌勻。以水一升。蜜半斤。大棗三十枚。生薑二十片。於銀器中慢火熬成膏。去薑棗不用。攪勻頓當風處陰乾。每用皂角子大。米飲化下。乳食前。

國老丸 治瘦瘠虛羸。懶少氣。

右以甘草炙焦黃杵末。煉蜜和丸。菉豆大。每服五丸。溫水下。日三服。一歲兒五丸。已上者七八丸。以意加減。無時。

欬嗽論痰飲上
氣附

夫欬嗽者。內經以爲肺感微寒而所作也。若七八月之間。肺氣旺盛之時。病嗽者。其病必實。非久病也。其證面赤痰盛而身熱。治當下之。錢乙用葶蘆丸。若病久者。不可下。若十一月十二月嗽者。乃傷風寒嗽者。風寒從背第三椎肺俞穴入。其證煩悶惡風憎寒。晝輕夜甚。治當汗之。錢乙用麻黃湯。若有熱證。則面赤飲水。涎壅。

咽喉不利。錢乙兼用甘桔湯。若嗽於五六月間。其病身熱痰盛唾黏。或痰盛不甚喘。面赤或時飲水。錢乙並以褊銀丸下之。若肺盛嗽而後喘。身熱悶亂面腫。或飲水不飲水者。錢乙用瀉白散。昔錢乙治張氏孫兒九歲。病肺熱欬嗽。前醫以珠犀龍麝牛黃藥治之。一月不愈。其證欬嗽喘急悶亂。飲水不止。全不能食。召乙治之。乙用使君子丸益黃散。張曰。本有熱。何又行溫藥。他醫用涼藥攻之。一月尚無效。乙曰。涼藥久則胃寒不能食。小兒虛不能食。當與補脾。候飲食如故。卽瀉肺經病必愈矣。服補脾藥二日。其子欲飲食。以瀉白散瀉肺遂愈。張曰。何以不虛。乙曰。先實其脾。然後瀉肺。故不虛也。

又傷風寒欬嗽無熱證。而但嗽者。錢乙用麻黃湯。及化痰藥治之。若肺虛而嗽有哽氣。時時長出。喉中有聲者。此久病當補也。錢乙用阿膠散。昔錢乙治杜氏子五歲。自十一月病嗽。至三月未止。始得嗽而吐痰。乃風寒入肺也。風在肺中。故嗽而吐痰。宜以麻黃輩發散。後用涼藥壓之。卽愈。他醫卻以諸藥下之。其肺卽虛而嗽甚。至春三月間尚未愈。乃召錢氏看之。其候面青而光。嗽而喘促哽氣。又時長出氣。錢曰。病困十已八九矣。所以然者。面青而光。乃肝氣旺也。春三月者。肝之位。肺

衰之時也。嗽者肺之病。自十一月至三月久。卽肺虛痿。又曾下之。脾肺子母俱虛。復爲之所勝。此爲逆也。故嗽而喘促。哽氣長出氣也。乙急與瀉青丸瀉肝後。與阿膠散實肺。次日面青而不光。乙又與補肺。其嗽如前。又與瀉肝。未已而又加肺虛。唇白如煉。乙曰。此病必死。不可治也。何者。肝大旺而肺虛絕。肺病不得時。而肝勝之。今三瀉其肝。而肝病證不退。三補其肺。而肺病尤虛。此不久生。故言死也。此證病於秋者。十救三四。病於春夏者。十難救一。果大喘而死。

又肺氣不足。謂寒邪所干。欬嗽喘滿短氣者。治補肺。昔錢乙治李轉運孫八歲。病嗽而喘滿短氣。他醫以爲肺經有熱。用竹葉湯。牛黃膏治之。三日加喘。召乙治之。乙曰。此肺氣不足。復有寒邪。卽便喘滿。當補肺脾。勿服涼藥。李曰。已服竹葉湯。牛黃膏。乙曰。何治也。前醫至曰。退熱退涎。乙曰。何熱所作。醫曰。肺經熱而生嗽。嗽久不除。生涎。乙曰。本虛而風寒所作。何熱也。若作肺熱。何不治肺。而反調心也。竹葉湯。牛黃膏皆治心藥也。醫有慚色。乙依所論而治愈。

又欬嗽咯膿血者。肺熱也。錢乙用甘桔湯。若嗽而吐痰涎喘者。先實其脾。錢乙用益黃散。後微下之。錢乙用褊銀丸。涎退卽補肺。乙用阿膠散。昔乙治段齋郎子四

歲。病嗽身熱。吐痰數日咯血。前醫以桔梗湯防己丸治之不愈。涎上攻。吐喘不止。請乙治之。乙下漏銀丸一大服。復以補脾藥治之。或問此子咯血肺虛。何以下之。乙曰。肺雖咯血。有熱故也。久則虛痿。今涎上潮而吐。當下其涎。若使不吐涎。便爲甚。蓋吐涎能虛。又生驚也。痰實上攻。亦使發搐。故依法只宜先下其痰爲順。此治先下後補。與前論先補後下。其意相反者。經以謂病有緩急。治有先後也。治病證如錢乙。所以得聖人之旨趣。學者宜爲法耳。嗽而吐青白綠水者。此胃冷有停飲也。乙用百祥丸下之。嗽而吐痰涎乳食者。此有傷宿滯不化也。乙用白餅子下之。若久嗽肺虛亡津液者。乙用阿膠散補之。治嗽大法。盛則下之。久則補之。風則散之。更量大小虛實。以意施治。是以慎護小兒。須常著夾背心。雖夏月熱時。於單背心上當背更添襯一重。蓋肺俞在背上。恐風寒傷而爲嗽。嗽久不止。亦令生驚。若百晬內兒病嗽者。十中一二得全。亦非小疾也。又有停飲作痰者。由兒乳飲失宜。致脾胃不和。停滯其飲不散。留結成痰。若隨氣上千於肺而嗽者。此爲痰嗽。若不嗽者。則肺壅不利。咽塞唾涎。脇腹膈滯。又脾胃冷熱不調。涎不歸胃。致涎流口角。而無休止。冷者鼻上色青。及大便秘白。

熱者鼻上赤色。及大便赤黃。已上除錢乙所用。方本集載之外。今敘諸方於後。
金華散 治嬰小欬嗽。

鬱 金半兩

防 風去蘆及叉半 夏一分

巴 豆二十粒

皂 角一挺

右以水一升。於銀器用煮諸藥。至水乾。去巴豆。皂角不用。外三味別用溫湯洗淨。焙乾爲細末。每嬰孩一字。二三歲半錢。四五歲上者一錢。薄荷蜜水調下。不拘時候。

藿香散 治不因風寒所得。肺胃氣不和而欬嗽。

藿 香去土二十個葉枳

殼二片去穢經紙裏煨令熟

蚌 粉枳殼大塊

右爲細末。嬰小服一字。二三歲半錢。蜜水調下。不過二三服安。兒大以意加之。無時。

紫金丸 治諸欬嗽。墜化痰涎。

右以葉子雌黃不拘多少。研細入鍋子內。微火中燒令成汁。候冷取出。再研細。輒飲和丸。蘿蔔子大。熟水下丸二個。臨睡。

杏仁煎 治小兒欬嗽上氣。

右以去皮尖炒黃杏仁一升熟搗。用蜜三合。先入一合。搗令強。次入一合。搗如膏。又入一合。搗熟。每食後用少許頓兒口中。含化咽之。日三次。無時。

生薑煎 治小兒欬嗽。

生薑一兩

乾薑六錢

桂心一分

甘草四錢

杏仁

去皮稍炒款冬花去枝

紫苑各四錢

右爲末。以蜜一兩入藥在內。微火上煎之。如飴。量大小多少。與含化嚥。百日兒如棗核大。甚效。

款冬花丸 治小兒咳嗽。日差夜甚。初不得息。不能復啼。

款冬花

紫苑各半

桂心半兩

伏龍肝一分

右同爲細末。煉蜜和如泥。每取棗核大。敷乳上。令兒吮之。漸漸令兒飲。一日三次。

麥門冬湯 治初生兒十日上至五十日。卒得驚欬吐乳。嘔逆暴嗽。晝夜不息。

麥門冬去心

紫苑三分

甘草二錢

桂枝半兩

右爲末。每服二錢。水一盞。煎至七分。以綿蘸滴兒口中。晝夜四五遍。仍節乳哺。

五味子湯 治小兒風冷入肺。咳嗽氣逆。面青喘迫。晝夜不息。飲食不下。

五味子去枝梗 當歸去蘆各半兩 麻黃去節 乾薑炮

桂心 人參去蘆 紫苑 甘草各一分

細辛去苗半分 大棗三枚

右爲粗末。每服二錢。水一盞。煎至半盞。去滓溫服。量兒大小。

人參半夏湯 治小兒痰逆。咳嗽不止。

人參去蘆 半夏麴 白芷各半兩 藿香葉去土一分

丁香 杏仁霜各半

右爲細末。每服二錢。水一鍾。生薑五片。陳粟米五十粒。煎至七分。去滓時時呷。

服日三四。忌醋鹹炙博生冷。

款肺散 治小兒風壅痰盛。欬嗽氣急。壯熱頰赤。昏憤嘔吐。面目浮腫。乳食減少。

白僵蠶五兩淨洗去絲頭足焙乾 玄胡索去皮三兩

右爲末。每服一字或半錢。澹荳汁溫調服之。無時。嬰孩只乳汁調半字。

治小兒咳嗽聲不出。

杏仁一兩湯浸去皮尖及雙仁者以水一鍾搗取汁

紫菀去蘆半兩洗去土爲末

右將紫菀末入杏仁汁中更入蜜一合同煎成膏每服半茶匙清粥飲調下無時。

皂莢豉湯 治小兒咳嗽。

右以皂莢燒灰研細末每服半錢或一錢豉湯調下無時。

露蜂房散 治如前。

右以露蜂房二兩淨洗去蜂糞塵土以快火燒爲灰研末每服一字米飲下無時。

葶藶散 治如前。

甜葶藶半兩炒

麻黃去根節一分

甘草炙一分

貝母去心炒

杏仁去皮尖黃研

右爲細末每服半錢水半盞煎至三分去渣溫服無時。

訶子膏 治如前。

右以訶子一兩。每個分作兩片。甘草一分。水一大盞。煮至水盡爲度。焙乾爲末。煉蜜和膏。雞頭子大。每用一大豆許。薄荷熟水化下。無時。

生薑浴湯 治如前。

右以生薑四兩。煎湯沐浴。

一捻金散 治風痰欬嗽。頰赤痰盛。喘促氣急。吐嘔浮腫。乳食減少。

白僵蠶

直音去絲
嘴一兩

甘草

半兩

玄胡索

去皮
一分

右爲細末。每服一捻。薑汁調下。嬰孩只乳汁調下半字。食後。

惺惺散 治傷寒風熱。痰壅咳嗽。

桔梗

去蘆

細辛

去葉

人參

去蘆

甘草

剉炒

白茯苓

去皮

白朮

各半

栝樓根

各半

右爲細末。每服二錢。水一盞。薄荷五葉。煎至半盞。溫服。如要和氣。更入生薑三

片同煎。一方更有防風一分。

保肺丸 治肺胃受風熱痰盛。欬嗽喘吐。連聲不止。及治久嗽不愈。

白僵蠶

去絲嘴
炒二兩

山藥

半兩

白茯苓

去皮

紫蘇葉

一兩

藿香去土一兩

百部半兩

黃芩一兩

防風去蘆一兩

杏仁

去皮尖麩炒一兩

百合半兩

五味子去枝梗一兩

右爲細末。煉蜜和丸。雞頭大。每服半丸。煎桔梗湯化下。食後臨臥服。

貝母湯 治肺感風邪。咳嗽喘滿。

貝母

去心炙黃一兩

半夏洗一兩七次焙乾

乾薑半兩

麻黃去根節半兩

款冬花去枝梗半兩

甘草半兩

右爲細末。每服一錢。水一小盞。生薑三片。杏仁二個。去皮尖。同煎五分。去渣溫服。不拘時。

服不拘時。

菖蒲煎 治肺中風邪。肩息喘鳴。或發欬嗽。

石菖蒲

一兩一節者良款冬花去枝梗一兩

紫菀去土淨洗一兩

參去蘆一兩

桂心一兩

右爲細末。煉蜜和劑。入石臼中。杵一二百下。丸阜子大。每服一粒。煎糯米飲化下。食後臨臥服。

絳朱丹

治驚風涎痰。咳嗽喘滿。

天南星二兩

牛夏七次去湯洗白礬半兩

滑石二兩火

鉛白霜一分

右爲細末。麵糊和丸。麻子大。硃砂爲衣。每服十粒。薑湯送下。食後臨臥服。

人參犀角散。治時氣塞壅。咳嗽痰逆。喘滿驚悸。風熱。

前胡去蘆

桔梗五錢

人參去蘆

甘草三錢

杏仁侵去皮尖

右先將上四味爲末。入杏仁末拌勻。粗羅篩過。每服二錢。水一盞。煎至七分。去

渣溫服。食後。亦能調和五藏六府。進美乳食。又治一切風熱。服尋常涼藥卽瀉

減食者。尤宜與服。

油滾丸。治痰盛咳嗽。亦治乳嗽。

五靈脂末一錢

雷丸末一錢

巴豆三十箇去皮膜取霜

右爲細末。滴水丸。芥子大。每服三五丸。油滾并水送下。臨臥而服。

龍爪散。治涎喘欬嗽。

右以豬蹄甲四十九個。洗控乾淨。每個豬甲內入半夏、白礬末各一字。入一罐

子內封閉。不透煙火。煨通赤放冷。爲細末。入研細麝香一錢拌勻。每服半錢。糯米飲調下。空腹。

辰砂半夏丸。治寒痰欬嗽。

栝樓根蜜炙

天南星湯洗

半夏七湯洗

乾薑炮各半兩

右爲末。生薑自然汁和丸。麻子大。硃砂爲衣。每服十丸。生薑湯下。不拘時候。

玉珠丸。治諸涎嗽。

半夏一兩湯洗十次

消石一分

右爲細末。滴水丸。麻子大。每服三五丸。生薑湯送下。不拘時候。

百部丸。治肺寒咳嗽微喘。

百部焙乾三分

麻黃去根節秤三分

杏仁四十箇去皮尖微炒更黃

三五沸焙乾研細

右同勻細末。煉蜜和丸。阜子大。溫水化下二三丸。日三服。錢乙加松子仁五個。

糖和丸。含化大妙。

露蜂房丸。治肺胃虛寒。咳嗽喘滿。嘔逆不食。

露蜂房二錢 炒

蟬殼去土二錢 炒

蛤蚧一隻重四錢 酥塗炙乾

丁香

木香

人參去蘆

地黃

麻黃去節 根

馬兜鈴子

五倍子去蟲各二錢

五味子去枝 梗

貝母去心 焙

杏仁童子小便浸二宿去皮尖炒

半夏麴錢半

款冬花去枝梗 半兩

右爲細末。煉蜜和丸。菴豆大。每服二三十九。生薑湯下。日三四服。食後。

緩息湯 治風傷肺氣虛喘咳嗽上氣。

桑白皮半兩

白茯苓半兩

白殭蠶半兩 去絲炒

甘草一分 炙

杏仁半兩 去尖研後入皮

參去蘆 一分

桔梗半兩 去蘆

白朮半兩

陳皮半兩 去白

右爲細末。每服一錢。水一盞。生薑三片。杏仁二個。煎至六分。去滓時時溫服。

白朮五味湯 治氣逆上喘咳嗽。

白朮

五味子去枝 梗炒

人參去蘆

款冬花去枝梗 各半兩

細辛去土葉 一分

右爲細末。每服一錢。生薑三片。煎至四分。去滓放溫時服。

桔梗湯 治欬嗽痰壅。呀呬。咽膈不利。

桔梗去蘆 甘草半兩

紫蘇葉半兩去土微炙 石膏半兩

半夏半兩湯洗七次 皂莢一分燒灰存性

右爲末。每服一錢。水一盞。生薑三片。煎至五分。去滓放溫時服。無時。

澹竹瀝 治欬嗽短氣。胸中吸吸。咯唾稠濃臭黏。

右以竹瀝一合服之。日三四次。

木香半夏丸 治肺胃有寒欬嗽。

木香 半夏湯洗七次焙乾 肉豆蔻麵裹煨

檀香去土

丁香 白朮各半兩

右爲細末。生薑自然汁和丸。黍米大。每服十丸。煎人參湯送下。不拘時候。

白蜆殼散 治卒然暴嗽不止。

右以白蜆殼不拘多少。杵研極細。每服半錢。米飲調下。無時。

五靈脂丸 治久嗽漸成羸弱。恐變疳癆。

五靈脂去沙石半兩

蟾頭炙一枚酥

蟬殼去土半兩微炒

款冬花去枝梗半兩

青黛研一分

雄黃水飛一分研

右同研勻細糯米飯和丸黍米大每服十丸煎人參湯下食後。

人參半夏丸 治痰飲欬嗽。

人參去蘆

半夏湯泡七次

白朮

川薑炮

南星微炒各半兩

右爲細末生薑自然汁煮糊和丸黍米大每服十丸薑湯下月內百晬兒丸針

頭大乳上吮服不拘時候。

馬兜鈴丸 治肺壅咳嗽氣喘大便不利。

馬兜鈴

紫蘇子炒

人參去蘆各一兩

木香

款冬花去枝梗各半兩

杏仁湯浸去皮尖研後入一分

右五味先爲末入杏仁末拌勻研煉蜜和丸黍米大每服十丸生薑湯下不拘時候。

拘時候。

百合湯 治肺經風寒痰壅不利。

百合

紫苑洗焙

白朮

人參去蘆各一兩

白茯苓去黑皮

青皮去穰

甘草

麥門冬去心各半兩

右爲末。每服一錢。水八分。澹竹葉三片。薄荷二葉。煎至五分。去滓溫服。不拘時。

爽神湯 消寒痰。除肺壅。清神爽意。

白朮

人參去蘆

白茯苓各一兩

桔梗去蘆

栝樓

甘草各半兩

細辛去苗一錢

右爲末。每服一錢。水八分。荆芥。薄荷各少許。煎至五分。去滓溫服。不拘時候。

蘇香湯 治肺壅消痰滯。

紫蘇葉去土

木香

人參去蘆各半兩

五味子去枝

甘草

陳皮各半兩

右爲細末。每服半錢。生薑自然汁少許。荆芥湯調下。不拘時候。

蟬殼湯 治肺氣壅滯不利。

蟬殼去土微炒

人參去蘆

五味子去枝一兩

陳皮

甘草炙各半兩

右爲細末。每服半錢。生薑湯下。無時。

神麴湯 治痰涎壅滯。氣不和順。腹脇滿悶。

神麴一兩 微炒

木香一兩

半夏一兩 用薑半斤同杵爛炒令黃薑是生薑也

蕪荑一兩

青皮去穢半兩 炒

甘草半兩 炙

白茯苓半兩

右爲細末。每服半錢。鹽少許。沸湯調溫服。無時。

白金丹 消肺壅痰實。治胸膈不利。

桑白皮一兩 去蘆

前胡去蘆一兩

半夏一兩 湯泡七次

白朮一兩

人參去蘆半兩

陳皮半兩

甘草一分 微炒

右爲細末。煉蜜和丸。黍米大。溫水下。五七丸。周晬至一二歲兒三丸。已上者以

意量加。不拘時候。

前胡半夏丸 治風熱痰實。肺氣壅滯。涎流口出。

前胡去蘆一兩

半夏一兩 湯泡七次焙乾

黃芩半兩 炮

麥門冬去心半兩

川朴消半兩

右爲細末。生薑自然汁和丸。黍米大。每服十丸。煎人參湯下。不拘時候。

犀角丸

治風熱面赤。胃氣不和。大小便秘瀝。痰實涎盛。三焦壅滯及積熱蘊毒。

瀝音

生犀末一分

人

參去蘆半兩

黃連去蘆一兩

枳實去蘆半兩

檳榔半兩

大

黃二兩酒浸一宿切作片子以巴豆一百粒去殼皮貼大黃上紙裏定飯上蒸三次去巴豆切研妙焦

右爲細末。煉蜜和丸。麻子大。每服五七丸。臨臥熟水下。未動加丸數。服此疎利

極穩之藥。

治小兒痰壅。壯熱諸病。

以鷄子亂髮熬良久。得汁與服之良。

枳殼湯 治痰實壯熱。心膈煩悶。氣不調順。不早治。恐生驚癇。

枳殼一兩去蘆

乾薑半兩

甘草半兩

前胡去蘆一兩

木香一兩

半夏一兩洗七次

右爲末。每服一錢。水一小盞。生薑三片。陳皮一片。煎至六分。去滓溫服。不拘時

候。

溫脾丸 治脾胃宿冷。口角涎流。若涎積頭頸口角生瘡名曰滯頭別立於後

丁香 香一兩

木香 香一兩

半夏 夏一兩 用生薑六兩 同杵爛炒令黃

青皮 去穢半兩 炒

白朮 半兩

乾薑 半兩 微炒

右爲末。煉蜜和丸。黍米大。每服十九。米飲下。不拘時候。

丁香湯 治如前。

丁香 香一兩

白朮 半兩

肉豆蔻 半兩 煨

半夏 半兩 白礬水 洗淨

炒黃

乾薑 半兩 炮

甘草 半兩

人參 半兩 去蘆

右爲細末。每服一錢。水八分。薑二片。煎至五分。去滓溫服。不拘時候。

治小兒口中涎出。以白羊尿內口中。

麻黃湯 治小兒風中肺經。喘急肩息。氣上不安。

麻黃 去根節 二兩

半夏

生薑 各二兩 製麴

甘草 一兩

桂心 半兩

五味子 半升 枝梗

右咬咀。每服二錢。水一盞。煎六分。去滓服。無時。

馬通粟粒丸 治小兒喘急肩息氣逆。脇下作痛。寒熱往來。不進乳食。漸成羸瘦。

馬通中粟粒 三分 杏仁 湯浸去尖

紫苑 去蘆

細辛 半兩 去苗各

石膏

秦艽去蘆

半夏湯炮

茯苓去皮

五味子

去枝梗
各一分

右爲末。煉蜜丸。小豆大。每服十丸。生薑湯下。日三服。加至十二丸。不拘時候。

小兒衛生總微論方

卷十五

黃疸論

小兒有身體肌膚面目悉黃者。此黃病也。因將息過度。飲食傷飽。脾胃受熱。與穀氣相搏。蒸發於外。脾胃象土。其色黃。候肌肉。故爲是病也。慎不可灸。灸則熱轉甚矣。若身體痛。背膊強。大小便澀。腹脹滿。一身盡黃。及目睛爪甲皆黃。小便如屋塵色。著物皆黃。此疸病也。若發渴。小便澀。腹滿脈沈細。爲難治也。黃病者。稍輕疸病者極重。又有自生下面身深黃者。此胎疸也。因母藏氣有熱。熏蒸於胎故也。經言諸疸皆熱。色深黃者是也。若身微黃者。胃熱也。若但面黃腹大。渴而食泥土者。脾疳也。此二項各在本病具之外。黃病。疸病。敘方於後。

三黃散 治黃病。

川大黃一兩剉碎

黃芩半兩

黃連去蘂

右爲細末。每服一錢。水一盞。煎至五分。去滓放溫。食後時時服。

子芩散 治如前。

黃芩

栝樓根

茯苓 神各去心兩內木 甘草炙

胡黃連各半

右爲細末。每服一錢。水一盞。煎至五分。去滓溫服。不拘時候。

茱萸根汁 治如前。

右杵茱萸根。取汁滴兒鼻中。大豆許。

丁香散 治黃病偏身如金色。

右六月六日收瓜蒂四十九個。丁香四十九個。入乾鍋子內。火燒煙盡。取出放

冷。研細末。每用半字吹鼻中。及揩牙。

蔓菁子汁 治如前。

右以蔓菁子汁水和服之。半錢或一錢。亦治疸病。

猪苓通草散 治黃病透明黃腫。

木猪苓去黑皮

通草塗蜜炙乾

右爲細末。更入研細麝香。去土地龍末各少許拌勻。每服半錢或一錢。米飲調下。不拘時候神效。

栝樓根汁 治小兒忽發黃。面目皮膚悉黃。

右以生栝樓根杵取汁三合。蜜一大匙。煖鎔相和。量兒大小服之。不拘時候。

雙連丸 治諸疸病。

川黃連

去鬚一兩

胡黃連 一兩

右爲細末。用黃瓜一枚。切蒂頭留作蓋子。去穰。入藥末在瓜中。卻以蓋子蓋定。用麵裹。慢火煨令麵熟焦。去麵杵爛成劑。丸菉豆大。每服五七丸至十丸。溫米飲下。量大小加減。不拘時候。

茅煎湯 治黃疸病。

柴

胡焙乾一兩

洗甘草一分

右咬咀。每服二錢。水一盞。白茅根少許同煎至五分。去滓溫服。無時。

螺肉酒 治如前。

右取田螺肉一二十個。作剝剝酒服之。

驢乳汁 治嬰小熱黃胎疸。

右取驢乳汁。少少與服。

客忤論

小兒中客忤者。小兒神氣嫩弱。忽有非常之物。或未經識見之人。偶然觸而見之。其客氣與兒神氣相忤。以生病。謂之客忤。其候吐下青黃白色。水穀解離。腹痛夭矯。面顏變易。五色不常。狀似驚癇。但目不上視。其脈弦急數者是也。若不卽治。久則難療。聖濟經曰。出處不時。而爲客忤。戒其恐見非常人物爲病也。千金曰。小兒衣帛綿絮及鞋襪中。皆不得令有頭髮。又青衣不可用白帶。白衣不可用青帶。或諸不識人物外來者。並當令兒避之。勿見。若誤有觸犯。並令兒患客忤。或有犯而患者。急視其兒口中懸癰左右。有腫核如麻豆大者。便須刺摘令潰之。用綿纏釵續頭。展去其血。兼服諸藥爲治。

治小兒客忤腹痛夭矯。面色變易。

以香豉數合。水拌令溼。搗熟作丸子。如鷄子大。用摩兒顙上。及手足心各七徧。

及摩兒心臍上下行轉摩之食頃。破其丸。視其中當有細毛。卽棄擲丸於道中。痛乃便止。

治小兒卒中客忤塗法。

竈中黃土

蚯蚓糞等分

右研細水調塗兒頭上及五心中大良。

又方浴法 治如前。

以馬糞三升。燒令煙絕。用酒三升。煮數沸去滓。漿以浴兒。

以豕豬糞二升。熱湯灌攪。適溫煖浴兒。

又方 治小兒客忤服法。

以牛口沫塗乳上飼兒。

以銅鏡鼻燒令赤。內酒中。能飲者令自飲。不能飲者含而灌之。

治小兒中客忤吐青白沫。及乳食皆出。腹中痛。氣欲絕者。

以桂心一兩爲末。一二百日兒。以半錢用水一小盞。煎至五分。去滓溫分四服。不拘時候。量兒大小加減。

又方 治小兒客忤。

右以白僵蠶七枚爲末。酒調服半錢至一錢。

又方 治如前。

右取書中白魚十枚。敷乳頭令兒吮服。今人呼爲衣魚

又方 治如前。

右取驢乳汁。少少與服。或以熱馬屎一塊。絞汁飲。嚥下卽愈。

麝香乳 治客忤項強欲死。

右以麝香少許研細。用乳汁調抹兒口中。如大豆許良。

又方 治如前。

右以桔梗燒末半錢調服。量大小加減。

治馬毒客忤。

右以馬尾於兒面前燒。令兒嚥其煙氣。每日用之取差。

治客忤夜啼襁法。

右用本家廚下燒殘火柴頭一個。以焦頭爲上。朱書云。吾是天上五雷公。將來

作神將。能收夜啼鬼。一縛永不放。急急如律令。書了勿令兒知。立在兒牀下。倚前脚裏。廂立之。男左女右。

辟邪膏。治客忤及治中惡邪厲鬼氣。其候似癇。但目不視上倒視。脈弦急。中之卒暴者。立至蘇省。

真降香剉

白膠香別研

沈香

虎頭骨酥炙

鬼白去毛

草龍膽去蘆

人參去蘆

白茯苓去心

右爲細末。次入研飛過雄黃末半兩。研細麝香一錢。拌勻。煉蜜和丸。鷄頭子大。每服一粒。煎乳香湯化下。及丸一彈子大。用綠絹袋盛之。帶兒衣上。仍於臥處常燒炒。

二一 疰詭

小兒疰病有三。一者鬼疰。小兒神魂氣弱。早晚抱持。出入無時。爲鬼厲邪氣所干。其候皮膚掣痛。游易無常。或心腹刺痛。夭矯悶亂欲死。乃名中惡。甚者卒致於死。緩者延引歲月。更變沈滯。以至於死。又疰傍人。二者尸疰。人腹中有蟲。曰尸疰。小

兒血氣嫩弱。邪氣外傷。留滯身中。尸蟲移引。相乘爲病。其候沈沈嘿嘿。不知的病之處。或寒或熱。或心腹悶痛。涉引歲月。遂至於死。又疰傍人。三曰蠱毒疰。謂諸毒蟲之中。有一能噉其餘者。卽爲之最。名之曰蠱。或因人作。或因引注。隨飲食而入兒腹中。食人藏府。其候心腹刺痛。懊悶欲絕。利下無時。或便血片。急者卽死。名曰中蠱之毒。緩者涉引歲月。以至藏爛乃死。又疰傍人。今敘諸治方於後。

虎頭枕

治中鬼氣爲游氣爲魔。

右以虎頭骨爲枕。與兒枕之。

千金湯 治小兒暴驚啼絕死。因人從外來。邪氣所逐。令兒得疾。衆醫不治。

右以蜀椒、左顧牡蠣各六銖碎之。酢漿一升。煮取五合分服。

豆豉丸

治中惡鬼氣寒熱。

右以溼豉丸鷄子大。摩兒腮上。及手足心六七遍。又摩心腹臍上。旋旋以言祝之。卽破其豉丸看之。當有細毛棄之道中。

又方 治中惡邪鬼氣。或於病間忽然而卒絕。

右以菖蒲根杵爛。取汁灌之。

又方 治如前。

右以羊屎燒煙。以熏鼻中。

又方 治如前。

右視其死者上脣裏弦有核子如黍米。以針挑破之。復蘇。

又方 治如前。

右以阜莢末。或生半夏末少許。吹兩鼻中。

又法 治如前。

右凡中惡邪。或魔死者。不得用燈火照之。亦不得近前急喚。或與接氣。恐被注染。多致殺人。但只與痛齧脚跟。及足把指甲邊。多唾其面。卽活。

又方 治如前。

右以好酒浸綿半盞。及手掇其汁。灌鼻中。

又法 治如前。

右以蘆管吹兩耳。並取病人髮二七莖。撚作任子。刺鼻中。

又方 治中惡鬼邪。遊痛如刀刺。或胸脇腹中絞痛急切。手不可近而按摩。

右以好酒灌鼻孔。亦治中惡。吐血下血。

又方 治如前。

右以鹽一錢。水一盞。攪和令勻服。並以冷水嚥之。取吐即差。

又方 治如前。

右以蓬茂酒研令服。

又方 治如前。

右取竈下黃土。水調服之。

又方 治中惡鬼邪爲祟。及鬼疰尸疰。

右以桃仁研細。水煮頻服。當吐即差。不吐或吐不盡。病再作。或以桃仁汁。煮米

爲粥與食。

鼈頭散 治尸疰瘦瘠。時發寒熱。

右以鼈頭一枚。燒灰杵末。新汲水調下半錢。

雌黃丹 治尸疰。

雌黃飛研水

雄黃飛研水

川大黃 慢火煨
焦色

鬼白 去毛各

麝香一分

桃仁三十箇湯浸去皮尖研

白頭翁去蘆半兩

巴豆十箇去皮膜紙裏去油盡

右爲細末拌勻以羊脂五兩鎔化和藥成膏丸黍米大每服三五粒荊芥湯下無時。

立效散 治尸疰。

川大黃炮一兩剉

乾桃柳葉各一兩炒焙 梔子仁半兩

赤芍藥半兩

硃砂研一兩別飛

雄黃研一分別飛 麝香別研

右爲細末拌勻每服半錢蜜湯調下無時。

神攻散 治中蠱毒。

大甘草生半兩末

晉礬末一兩

右拌勻新汲水調下一錢或半錢吐出毒物效。

雄麝散 專治蠱毒。

雄黃飛一兩水研

麝香研一兩

羚羊角屑一兩

鬼臼半兩毛

赤芍藥一兩

薺芩去蘆半兩

敗鼓皮黃焦一兩炙

馬兜鈴根半兩

右除雄麝外。爲細末。入二味拌勻。每服半錢。濃煎甘草湯調下。無時。

麝犀湯 治如前。

犀角一兩

鬼箭取羽一兩

安息香一兩

苦參半兩

牡丹皮去心半兩已先爲末

雄黃水飛一兩

麝香半兩

右拌勻。細。每服一錢。水一盞。煎至五分。去滓放溫。時時服。

甘草湯 治中蠱毒欲死。

右以甘草半兩剉碎。用水一盞。煎至五分。去滓溫服。當吐出毒物。

寶靈丹 治中蠱毒。

硃砂水飛一兩

雄黃水飛一兩

黃丹一分

苦藥子一分

續隨子皮毛一分去

山豆根生一兩

蜈蚣二條一條生用

斑貓足半生半炒

巴豆二分去皮 香二

右爲細末。拌研勻。於端午日。重九日。合之最佳。事急者不拘。修合時忌見雞犬。

婦人。用糯米粥和丸。麻子大。若未能語兒。中毒卽休。如能語兒。但將藥一粒入。

門。卽患兒先聞其香。是驗。以臘茶清送下一丸。不得嚼破。須臾患兒必言心頭。

作響聲。毒物便下。或從口鼻出。或自大便下。嫩卽是血。老卽如諸蟲狀。其形不一。藥隨物下。凝血中裹之。取出丸。以香水洗淨收之。一九可救四五兒。口噤者。拗灌之。如知用蠱之人。卽不得根究。必再發。不可治。

治中蠱下血欲死。

以藍搗汁。頻頻服半合。

治中蠱毒。腹中堅痛。面目青黃。淋露骨立。病變無常。

以桃上寄生爲末。茶點服。日四五。

桔梗丸 治鬼疰尸疰蠱疰皆療。

桔梗去蘆

藜蘆去蘆

皂莢去皮

巴豆去心

附子各半

右爲末。煉蜜和劑。入臼杵萬下。每服二丸或一丸。如黍米芥子大。仰臥勿側眠。至食時許。病在膈上者卽吐。在膈下者卽瀉。取下惡物。如蚪蚪蝦蟆胎。或長一二尺。下後大虛口乾。但作雞羹飲五合。與極飲。或食粥三四日。乃痊。病未除盡。再服。

夜啼論

小兒夜啼者。證候甚多。其所專者。不出三種。一者冷。謂脾藏寒。則腹痛而啼。其候面青白。手冷。腹肚冷。口中氣亦冷。曲腰而啼。不肯吮乳。又有從生下多啼。入夜則甚者。此胃寒也。亦曰胎寒。聖濟經言。積冷而夜啼。夜則爲陰。冷則作痛。故夜間痛甚。令兒啼哭也。二者熱。謂心藏熱。則煩躁而啼。其候面赤。小便赤。口中氣熱。心腹亦煖。仰身而啼。不肯吮乳。又有多驚悸惕跳。或睡中忽然叫啼。此風熱也。亦曰驚啼。心主熱。其候驚。故熱則生驚。又心爲火。熱則火旺。故熱邪燥甚。令兒啼哭也。三者邪祟。謂有鬼氣所持。其候睡臥不穩。或作疼痛。且鬼祟者。陰物也。入夜則旺。小兒精神怯弱。血氣嫩微。夜間被鬼所持。故令兒啼哭也。以外客忤蟲動。重舌口瘡等病。亦皆能爲夜啼。其治方各逐本項下具之。非若此三等之爲專也。今敍方於後。

蒜香膏 治冷證腹痛夜啼。

右以大蒜一顆。慢火煨香熟。取出切細研爛。於日中暴或火上炕半乾。可丸時

卽以好乳香秤半錢。研細如粉。入拌。再研極勻。丸如芥子大。每服七丸。乳頭黏服。或乳汁送下。食空。

當歸丸 治如前。

當歸去蘆洗淨 白芍藥 人參去蘆各一分 甘草炙

桔梗去蘆 陳皮不去白

右爲細末。每半錢。水煎時時服之。

龍角丸 治小兒五驚夜啼。

龍角一分 黃芩半兩 牡蠣一分半火煎

蚱蟬去土二枚 牛黃小豆大 川大黃半一分

右爲末。煉蜜和丸。麻子大。蓐中兒二丸。大小以意加減。

芎藭散 治小兒夜啼。至明則安。

芎藭 白朮 防己各半兩

右爲末。以乳和與兒服。以意量大小多少。又每用手掩入兒臍中。摩兒頭脊大驗。兒生二十日以內。未能服者。以乳和麻子大一丸。置兒口中。乳汁送下。

又方

取道中土、伏龍肝各一把。
右同研細。水調少許飲之。

治小兒夜啼。

以蟬蛻去土爲細末。用生薑、蜜水調塗兒下脣。

又方 治如前。

男左女右臂上書尹喜二字。更於手心內書天字一個。

又方 治小兒驚啼夜啼。

以臘月縛豬繩燒灰。水調服。

以蝟皮三寸燒灰。著乳飲之。療如物刺啼。

銓花丸 治如前。能祛邪止痛。

以銓花二十個。乳香、皂子大兩塊。同爲末。粟米飲和丸。芥子大。每服七丸。桃心湯下。無時。

萬金散 治藏寒氣弱。面色青白。遇夜多啼。狀若神祟。

沈香剉

丁香

人參去蘆

五味子去梗炒

當歸去蘆洗焙

白朮剉

赤芍藥各半

桂心一分

右爲細末。每用一錢。澹漿水一小盞。煎至五分。放溫時時滴口中。兒大稍稍飲立效。

當歸散 治胎寒氣啼不止。久能變癰。

右以當歸爲末。每用小豆許。乳汁調抹兒口中。日夜五服。

三黃丸 治熱證心燥。夜啼及諸熱證。

黃芩半兩

大黃去皮溼紙裏煨熟一分

黃連去分

右爲細末。麵糊和丸。菉豆大。每服五七丸。人參湯下。亦治晝啼。

又方 治熱煩腹痛夜啼。

右以真牛黃少許。如小豆大。乳汁化服。又於臍下書一田字差。

又方 治熱證心燥夜啼。

右以銚花三兩顆。用銚心煎湯。調抹兒口中。乳汁送下。日三。錢氏亦治藏冷夜啼。但頓乳上。令兒吮之。又經驗方。以銚心燒灰。塗乳上吮兒。

紅桃散 治風熱體如湯火。夜啼不乳。

天南星 二箇每箇中心剉作窩子入硃砂裝滿用火煨赤故冷取出研末

全蠍 半錢末 白附子 大者二十個為末 膩粉 一錢

右拌研勻。每用一字。金銀薄荷湯調下。

綠霞散 治如前。

柏葉 二錢末 天南星 炮過一分 白僵蠶 去絲嘴末一錢

鬱金 末一錢 雄黃 末一錢

右拌勻細。每服一字或半錢。薄荷蜜水調下。無時。

前胡丸 治風熱氣啼。

右以去蘆前胡為末。煉蜜和丸。小豆大。日服一九。熟水下。服至五六丸即差。

牛黃膏 治兒睡着時忽然乍驚哭而覺。面赤口乾。狀若神祟。此雖夜啼。非名夜

啼也。乃風熱邪氣乘心藏而作。名曰驚啼。

真牛黃 研 煨過牡蠣粉 硃砂 研水 雄黃 研飛各

人參 去蘆 甘草 炙各 龍腦 研半分

右爲末拌勻。煉蜜和膏。雞頭子大。每服半粒或一粒。薄荷湯化下。乳食後。
安神丸 治如前。

麥門冬去心

馬牙硝

白茯苓

乾山藥

甘草半兩

寒水石研各半兩

硃砂水飛一兩研

龍腦一字

右爲細末。煉蜜和丸。雞頭子大。每服半丸。砂糖水化下。無時。

虎睛散 治驚惕夜啼。

右以虎睛爲散。竹瀝調少許。抹口中。

又方 治如前。

右取車轄脂小豆許。內口中。又取內臍中。

又方 治如前。

右以父亂頭髮燒灰研末。酒調服一字。更量大小。溫水亦得。

又方 治如前。

右以雞糞白灰燒研末。米飲調服。

明砂丸 治心神不寧多驚。心腹疼痛。夜啼不止。

硃砂通明者一錢 杏仁十四箇去尖炒黃 好坯子半錢

右爲末。輕飯和丸。黍米大。每服三五丸。薄荷湯下。

麝香散 治驚啼夜哭。發歇不止。

右以麝香研細。用半字。清水調下。日二三服。

鐵涎膏 治諸驚夜啼。

丁頭代赭石半兩火煨醋淬不記遍數以易碎爲度 鐵胤粉一錢 白附子一錢

辰砂一錢飛 麝香研一字 龍腦研一字

右爲細末。拌勻。蒸棗爛和成膏。旋用。嬰孩半阜子許。至二三歲一阜子許。金銀

薄荷湯化下。不拘時候。

七寶輕青丹 治驚啼夜哭。及諸熱等疾。

螺青半兩 蛤粉一分 鈎藤炒爲末一錢 白附子三字

鉛錫灰二錢 丁香香炒一字 天竺黃一錢

右爲細末。入麝香半阜子許。研細拌勻。米粉煮糊和丸。豌豆大。每服一丸。薄荷

湯磨水下。無時。

又方 治夜間卒驚啼哭。似有痛處。而不知疾狀。

右取雄雞冠血。臨兒口上。滴少許入口中。卽差。

又方 治如前。

右以亂髮燒灰爲末。塗乳上。令兒吮之。能食者飲調亦得。

甌帶法 治鬼祟邪厲夜啼。

右取甌帶懸戶上。

又法 治如前。

右以胡粉水調二大豆許與服。日三。

馬骨末 治小兒諸夜啼。

右以馬骨爲細末。傅母乳上。令小兒吮服卽止。

又方 治如前。

右取狼糞中骨燒灰。研爲細末。服黍米許便止。

又方 治如前。

右取雞窩中草。安於臥席之下。勿令乳母知之。

諸汗論

小兒有遍身喜汗出者。此榮衛虛也。榮衛相隨。通行經絡。營周於身。環流不息。榮陰衛陽。榮虛則津液泄越。衛虛則不能固密。故喜汗出遍身也。錢乙用香瓜丸。若睡中汗出。不自知覺者。此肌肉虛而盜汗也。如盜者竊物。使人不知覺也。又有但額上汗出者。此厚衣溫煖。將養過宜也。上二項。錢乙並用止汗散。若上至頭下至項有汗。而不曾過胸者。此六陽虛汗也。六陽脈皆上至於頭故也。若上至項下至臍有汗者。此胃虛汗也。當與補胃。昔錢乙治張氏三子。大者喜偏身汗出。次者汗上至項下至臍。小者但頭面有汗。至項下而無。他醫以麥煎散治之不效。遂請乙治之。大者與香瓜丸。次者與益黃散。小者與石膏湯。各五日而愈。錢乙治方。本集載之外。收諸方敍之後。

沉香黃耆散 治榮衛虛。偏身喜汗。

沈香劉

綿黃耆劉

人參去蘆

當歸去蘆洗

赤芍藥已上各

木香

桂心各半

右爲細末。每一大錢。水一小淨盞。入生薑三片。棗一枚。同煎至半盞。去滓放溫。食前時時與服。

荭蓉丸 治血少喜汗。

肉荭蓉一兩酒浸一宿
刮去外皮炙乾

鼈 甲一兩酥炙
黃去裙襖綿黃耆半兩

何首烏半兩

右爲細末。煉蜜和丸。黍米大。每服十丸。米飲送下。食前。

木槿花 治盜汗。

右取木槿花開而復合者。焙乾爲末。每用一錢。豬皮煎湯調下。食後臨臥。

牡蠣散 治盜汗。

牡蠣煨赤兩 麻黃根剉二兩

甘草半兩

右爲末。每用二錢。以野水一盞。煎至七分。去滓放溫服。無時。

升麻湯 治肌熱盜汗。

升麻 綿黃耆去蘆

人參去蘆各一兩

熟乾地黃

天竺黃研 牡蠣粉研各半兩

右爲細末拌勻。每服半錢或一錢。煎竹葉湯調下。無時。

柴胡人參散 治如前。

柴胡 去蘆

人參 去蘆

白朮

白茯苓

青皮 去穢

桔梗 去蘆

麥門冬 去心

川芎

白芍藥

甘草 炙

桑白皮

升麻

右等分爲末。每服一錢。水一盞。煎至七分。溫服。食後。

紫蘇飲 治肌熱煩躁。多渴盜汗。揉鼻腹滿。

柴胡 去苗

藿香 去土

甘草

烏梅肉

紫蘇葉 去土

乾葛

人參 去蘆

茯苓

麥門冬 去心

秦艽 去蘆

地骨皮 去骨

防風 去蘆并枝

右等分爲末。每二錢。水一盞。煎至七分。去滓放溫。時時呷。

沈香鼈甲丸 治潮熱盜汗。

沈香 剉

草龍膽 去蘆

鼈甲 童子小便浸一宿。塗酥炙焦。去裙襴各一兩。

綿黃耆 一兩

川黃連 去鬚半兩

川大黃 微炮半兩

右爲細末。煉蜜和丸。黍米大。每服十丸。用麥門冬去心煎湯送下。無時。

柴胡黃連膏 治盜汗潮熱往來。

柴胡去苗 胡黃連等分

右爲末。煉蜜和膏。九雞頭子大。每一二丸。銀器中用酒少許化開。入水五分。重湯煮二三十沸。放溫服。無時。

黃耆散 治虛熱盜汗。

牡蠣粉 黃耆

生乾地黄焙乾等分

右爲細末。每服一錢。水一小盞。煎至六分。去滓溫服。無時。

虎杖散 治實熱盜汗。

右以虎杖剉細。水煎服之。量大小多少與服。

黃連粉 治盜汗。

黃連去鬚

牡蠣粉

貝母去心各等分爲細末

右三味各一兩。卽入米粉一兩。研勻細。以粉身。

龍膽粉 治如前。千金治頭汗。

牡蠣粉

茯苓 各二兩

右同爲細末。於生絹袋子盛之。有汗卽撲身。

牡蠣粉 治諸汗。

牡蠣粉二兩

麻黃根

赤石脂

糯米粉 各一兩

右勻爲細末。入龍腦末一錢拌之。每用一匙頭。新綿包撲有汗之處。止盜汗最佳。

又方 名同治同。

牡蠣粉二兩

麻黃根 一兩

蛇牀子

乾薑 各半兩

右同爲細末。用如上法。

治小兒藏熱多汗。犀角飲子。

犀角屑三分

茯苓 去心

龍齒 各一兩

麥門冬 去心

甘草半兩

白朮一分

右爲末。每服一錢。水一盞。煎至七分。去滓溫服。無時。

不語論

小兒有不能語者。其證有三。一者心氣不足。心繫舌本。氣營而舉之。則舌本動而語聲作矣。今氣怯而不能營用於舌。故不能語也。此證已在五氣項下具之。二者卒不能語。因風寒之邪。干於啞門。連絡舌本。使舌本緊急。故卒不能語也。又一證喉嚨爲氣之道路。會厭爲聲之門戶。暴爲風客於喉厭。則失音而語聲不出。非不能語也。三者因病後不能語。此因服清藥以利小便。致腎虛而不能上接於陽。故不能語。昔錢乙治王氏慢驚病愈後。有聲而不能語。衆以爲失音。乙曰。旣失音。何開目而能飲食。又牙不噤。口不緊。而能嚥藥。衆醫皆不曉。乙曰。此因用清藥利小便。致虛腎氣。不能上接於陽故也。遂用地黃丸補腎。而漸漸能言。一月而愈。其方本集載之。外收方具後。

菖蒲散 治感風寒。客於啞門。卒不能語。

菖蒲

桂心

遠志

去心

甘草水

右爲細末。每一錢。水一鍾。煎至五分。溫服。無時。

桂散 治風寒客於喉厭。語聲不出。

川芎三分

遠志

去心

甘草

麥門冬三分

人參

去蘆

兩

右爲細末。煉蜜和丸。小豆大。平旦空心米飲下五丸。日三。兒大加之。久服取效。

渴論

小兒有渴而飲水者。此因藏府有熱。熱則藏燥。故多體熱發煩。亡耗津液。卽令作渴。欲飲水以解之也。又有疳渴。吐瀉發渴。霍亂發渴者。各逐本項具之。閻孝忠云。凡小兒諸渴。因亡失津液引飲者。但多煎錢氏白朮散與服。使任意取足飲之。彌多彌好。其方本集所載。熱渴者。敘方於後。

蓮湯散 治嬰小發渴心燥。

右以粉霜研極細。每嬰孩一字。三四歲下者半錢。煎蓮花湯調下。冬月無花時。蓮肉代之。

香葛湯 治渴甚津液燥少。

木香

乾葛根剉

人參

去蘆各一兩

白茯苓

藿香葉去土

甘草半兩

右爲細末。次用麝香半錢。研細入藥拌勻。每服半錢。或是一錢。生薑湯調。溫服。

無時。

葛根湯 治體熱煩渴。

葛根

人參 去蘆各一兩

麥門冬 去心

白茯苓

澤瀉

甘草 炙各半兩

右爲細末。每服一錢。水八分。入生薑二片。薄荷三葉。煎六分。去滓溫。量大小服。無時。

涼肌丸 治肌熱臉赤。煩渴燥悶。

草龍膽 去蘆二兩

玄參 去蘆一兩

當歸 去蘆洗淨一兩

右爲細末。煉蜜和丸。菜豆大。每服一二十丸。竹葉湯下。無時。

葛根飲子 治熱渴久不止。

右以葛根半兩剉碎。水一盞。煎至六分。去滓頻頻服。無時。

神蟬散 治一切諸渴。

右以大牡蠣。於臘日端午日。用黃泥裹煨通赤。放冷。去泥爲細末。取活鯽魚煎湯調下半錢。只一二服差。

治小兒熱渴久不止。

右以石蓮心三十箇炒黃。浮萍一分。水一鍾。生薑少許。同煎至六分。去滓每服半合。徐徐服。

血溢論

小兒諸血溢者。由熱乘於血氣也。血得熱則流溢。隨氣而上。從鼻出者爲鼃衄。從口出者多則爲吐血。少則爲唾血。若流溢滲入大腸而下者。則爲便血。滲入小腸而下者。爲溺血。又有血從耳目牙縫斷舌諸竅等出者。是血隨經絡虛處著溢。自皮孔中出也。今敘方於後。

盆 硝研一分

亂 髮灰研一分 燒

紅藍花爲末

右同勻細。以綿纏子搥藥。塞鼻孔中。

槐花散 治如前。

槐 花炒一兩

蒲 黃半兩

川麵薑一分

右爲細末。每服半錢。新水調下。無時。

又方 治如前。

右以滑石爲細末。飯丸蘿蔔子大。每服二三十丸。微微嚼破。新水嚥下。未能嚼者。搥碎與之。

又方 治如前。

右以生蘿蔔剉碎。研取汁。入酒相當。量大小溫服立止。

華蓋散 治唾血吐血。

阿膠半兩蛤粉炒如珠去蛤粉

黃芩一分

人參去蘆一分

右爲細末。每服半錢。陳米飲調下。無時。

紫參散 治如前。

紫參

山梔子仁

生乾地黃各一分

荊芥燒灰

亂髮燒灰

蒲黃

伏龍肝研一分

右拌細勻。每服半錢。或一錢。煎竹茹湯調下。無時。

黃連散 治吐血。

右以黃連一兩。去鬚爲細末。每服一錢。水七分。入豉二十粒。同煎至五分。去滓。

溫服。無時。

又方 治如前。

右以蒲黃細研。每服半錢。用生地黃汁調下。無時。

又方 治如前。

右以蛇蛻皮炒焦黃爲末。乳汁調下。

又方 治如前。

右以黃明膠、新綿各一兩。並燒灰研爲細末。每服半錢或一錢。糯米飲調下。日三。

又方 治如前。

右以鎗心淨碗內燒灰。以物蓋之。研爲末。每服半錢或一錢。麝香湯調下。

甌帶灰 治大便下血。

右以甌帶燒灰研末。塗乳下。與兒吮之。南人以蒲爲甌帶。久經蒸溜。或敗爛者良。

又方 治如前。

右以車釭燒赤內水中飲服。

又方 治如前。

右取雌雞翅下血與服。或以鼈頭一枚炙黃黑爲末。米飲調半錢服。

車前散 治小兒尿血。

車前子 一分

牡

蠣

半兩煨爲粉

甘

草

一分

川朴硝

一分

又方 治如前。右爲細末。每服一錢。水一小盞。煎至五分。去滓溫服。

右以甘草二兩炙黃爲細末。煉蜜和九。萊豆大。每服五七丸。溫水下。日二。或生剉。以水六合。煎取二合。去滓服。

神白散

治諸吐衄便溺等血妄行。

槐

花

半兩

蛤

粉

一兩

右爲細末。每服半錢。或一錢。煎柳枝湯調下。

青龍丹 治小兒熱盛。一切血妄行神效。

甘草

貫衆

茯苓

乾葛

龍腦

薄荷葉

藿香各一兩

縮砂各五兩去皮

山茵陳葉

寒水石各六兩

右爲細末。麵糊和丸。櫻桃大。別研青黛爲衣。

又方 治諸血妄行。從耳目口中鼻中出。

右以赤馬糞燒灰。研爲細末。溫酒調下一字或半錢。看大小與服。

地黃散 治舌上出血如針孔。

生熟地黃一兩 明膠半兩炒

右爲末。溫湯調下一二錢。

又方 治如前。

右以豉一合。水一盞。煎數沸。溫服半盞。或一盞。亦治下血。

又方 治如前。

右以小豆一合爲末。水三盞。和攪汁飲之。

戎鹽丸 治舌上有黑孔。血出如湧泉。

戎鹽

黃芩

黃蘗

大黃各二兩半

人參

桂心各一兩

甘草半兩

右爲細末。煉蜜和丸。菉豆大。飲下五七丸。日三。如舌上孔穴大。血不止者。仍燒鐵烙之。

苦竹葉汁 治牙齒斷縫間出血不止。

右以苦竹葉不拘多少。水煎濃汁。入鹽少許。通口漱盥。

又方 治如前。

右以童子小便半盞煖熱。通口漱盥。

嚙法 治九竅四肢指歧間皆出血。此暴驚所致。

右勿令患人知覺。以井花水猛嚙其面。

治小兒尿血 以鵲巢燒灰。井花水調服。

以川升麻五分。水五合。煎取一合。去滓。一歲兒日服盡。

小兒衛生總微論方 卷十五 血溢論

